

# Wan shim bynta 36 tylli ki skul haka DLISAM ba 3 sngi, u DSO ha Ri-Bhoi



Ki khynnah skul kiba dang shim bynta haka jingmareh haka sngi sdang ka District Level Inter School Athletic Meet u DSO ha madan NSCA Pahamsyiem. (Dur : Mawphor)

**NONGPOH, Iaiang 15:** Ka ophis u District Sports Officer, Ri-Bhoi District haka jingtreilang bad ka Atheltic Committee jong ka RBDSA mynta ka sngi kila sdang iaka lypung District Level Inter School Athletic Meet 2025, ba 3 sngi lynter, ha madan NSCA Pahamsyiem.

Ia katei ka lypung ialehka sports la wan ban plie

pyrda da u Bah Eric Dkhar BDO ka Umling C&RD Block kum u kongsan bad u Bah RB Shadap President ka Ri Bhoi District Sports Association kum u symbud kongsan, haka jingdonlang u Bah Bobby L Nongbet, District Sports Officer, Ri Bhoi District ki principal, ki nonghikai bad ki khynnah skul kiba la shimbynta shirthem ha katei

Dkhar u la ong ba ka jinglehka ka dei kawei naki bynta ban pynneh pynsan iaka met bad ka jingmut jingpyrkhat jong uwei pa uwei u khynnah, khamtam ka pynlong ia u khynnah ban trei shitom, ban don ka akor ka burom bad khamtam ka jingtreilang ban poi sha ka thong ka jingjop.

U la ong ruh ba ka pule ka puthi ka dei kaba donkam eh ha kane ka juk ba mynta, hynrei ka jingkoit jingkhiah bad ka kilan met ka iaid ryngkat ryngkat ban pynneh pynsan iaki khynnah naduh ka bor met haduh ba ka bor jabieng, bad nalor kitei ki jingmyntoi kan long ruh ka rynsan iaki khynnah kiba don ka sap ialehka namar lymbga kane ka lypung yn sa jied ruh iaki nongshim bynta kiba kysai sha kiwei pat ki lypung kiba kham heh haka jylla bad shabar jylla.

# Pynliem ka SCA ia ka Goalpara ha ka U-19 Tournament ha Guwahati

**SHILLONG, Iaiang 15:** Ka kynnun ialehka kriket jong ka Shillong Cricket Academy ka la khur jingjop ha ka jingiakhun kaba ar jong ka ha ka 10th Sitaram Chhawchharia Memorial U-19 Cricket Meet kaba la long ha Guwahati ha ka sngi Hatmajai.

Ka jingiakhun ka la long pyrshah ia ka Goalpara Cricket Academy, ha kaba ka Shillong CA ka la jop da hynriew wicket bad pynsah sa 6.3 ober ha kti. Ia kane ka lypung lehka la pyniaid da ka Bud Cricket Club ha madan NFRSA Cricket Ground ha Maligaon kaba ha Guwahati.

Kumban shu pynkynmaw, ka Shillong CA ka la mad ia ka jingshah rem ha ka jingialehka kaba nyingkong ha ka Mangaldai Cricket Academy ha ka sngi Nyingkong.

# Yn die lilam ka SSA ia ka jaka ba thylli ha ka Second Division jong u snem 2025

**SHILLONG, Iaiang 15:** Ka Shillong Sports Association ha ka Tournament Committee Meeting kaba la long ha ka 14 tarik Iaiang, 2025 ka la rai ban die lilam sha ki klob kiba ladep iasoh na bynta kawei ka jaka kaba thylli ha ka kyrdan iakhun Second Division jong u snem 2025.



Kano kano ka kynnun kaba thlieh dor heh tam kan ioh ban pyndap ia kane ka jaka kaba thylli bad ki kyndon ha kaba iadei bad kane ki long kumne harum: La plie ia ka jingdie lilam na bynta baroh ki klob kiba iasoh bad ka Association kiba dei na ka kyrdan ialehka Third Division bad fourth Division.

Ka dor kaba rit tam kaba ki lah ban tyrwa ka long T. 2,00, 000/- (2 Lak). Ia ki jingtyrwa dei ban ai ha ka rukom jong ka Close Bid System ban phah sha u Genera Secretary ka Shillong Sports Association.

Baroh ki klob kiba don jingthmu ban thied ia kane ka jaka ba thylli ki ban hap

# Plie pyrda u MDC ka War Central iaka 1st Warjaiñtia Invitation FT 2025,



**JOWAI, Iaiang 15:** U MDC ka 2-War Central u ma Jamshaphrang Pohntam ula wan ban plie pyrda iaka '1st Warjaiñtia Invitation Football Tournament 2025' ha kane ka sngi Saitjaiñ 12 tarik u Iaiang, bala pyniaid da ka Sports and Youth Sub Committee jong ka seng War Jaiñtia Students' Union (WJSU).

Ia kane ka lypung ialehka phutbol la pynlong ha madan ialehka ha Amshipai (Amsokhrut) Amlarem Civil Sub-Division, kila don haduh 8 tylli ki kynnun kiba la wan ban

iashim bynta kynthup naka thain War Jaiñtia, na Laskeiñ, na Thadlaskeiñ, na Saipung bad na Pynursla East Khasi Hills.

ma Youmiki Syrti. Haba ai jingtren u kongsan ma Pohntam ula ai khublei kyrpang ia ka War Jaiñtia Students' Union kaba la shim ia kane ka bynta ban kynthup ia ka kam ialehka phutbol hapoh ka thain War Jaiñtia kaba la don haduh 90 percent ki rangialehka phutbol. U ai ka jingkitbok kitrwai ba iabaroh ki kynnun kiba la wan iashim bynta ba kin iakhun met bad mynsiem ban ioh rah ia ka nam lahduh.

# Sdang ka U-16 Inter District Cricket, jop ka Eastern West Khasi Hills DCA



**JOWAI, Iaiang 15:** Ia ka lypung ialehka Under-16 Boys Inter District Cricket Tournament 2025 (Zone-1) kaba la pyniaid da ka M.C.A ha Madan Thad, Mukhla Mission, West Jaiñtia Hills kaba la sdang ha ka sngi Ba ar (15 tarik u Iaiang), ha kaba ka Eastern West Khasi Hills District Cricket Association kala jop da 9 wickets ia ka West Jaiñtia Hill DCA.

Ha kane jingialehka kaba nyingkong hapdeng ka West Jaiñtia Hills DCA pyrshah iaka Eastern West Khasi Hills DCA, iaka jingkynting toss la jop daka West Jaiñtia Hills DCA kaba la kam trai ban tied shuwa bad kala kamai tang 30 runs da kaba duh noh ia baroh ki 10 wickets hapoh ka 16 overs na ki 47 over bala buh.

Ha ba poi ka pali jong ka Eastern West Khasi Hills DCA ban beh iaka thong ka la lah ban ioh 31 runs da kaba duh tang 1 wickets haka 11.2 overs.

# Pynlong ka Dinet Manik Syiem Memorial School ia ka 3rd Penalty Shootout



**SHILLONG, Iaiang 15:** Ka jingiakop shut penalty lane ka 'Penalty Shoot' kaba la ap khmih lynti bha jong ka Dinet Manik Syiem Memorial Higher Secondary School kala sdang ha Madan Laitkor ha ka 12 tarik Risaw bad kane

ka jingiakop shut penalty ka la lumlang haduh 30 tylli ki kynnun na ki bynta bapther bapther jong ka nongbah Shillong bad na Ri-bhoi.

Haba ai jingtren sha ki lad pathai khubor, na ka liang u Organising secretary u Bah Ownlight Mylliemngap u la ong, 'Kum kane ka jingialang kaba iashim bynta ka pyni ia ka mawjam kaba kongsan ha ka jingkuljar jong ka skul ban wanrah ia ki sap ba tbit tam na kylleng ka jylla, da kaba ai ia ki ia ka jingshai. Ngi

pyrshang ruh ban pynlong ia ka kum ka jingialehka kaba kynthup lang ia baroh da kaba pynnung ia ka kyrdan iakop jong ki khynnah kynthei."

Kiwei pat kiba kongsan ha kane ka sngi ki long ki jingialehka bad ki jaka die jingbam kiba la pyni ia ka dor jong ki sha ka jingialang pynkut ia ka Jubili Rupa jong ka skul hapoh une u snem.

# (L) Benjamin U-16 Girls Inter School: Jop suk ka Mawsynram Cluster

**SAITSOHPEN-SOHRA, Iaiang 14:** Ki thei ialehka jong ka Mawsynram Cluster ki la khur jingjop ha ka sngi sdang jong ki ia ka jingiakhun ha ka (L) Benjamin Dighod Memorial U-16 Girls Inter School cum Cluster Cricket Tournament 2025, ba la pyniaid da ka East Khasi Hills Cricket Association, ha madan Pynshadkhurai Ground, Saitsohpem, Sohra.



Ka Mawsynram Cluster bad ka Pongtung Cluster (Girls) ki la ioh ban sdang ia ka jingialehka kaba nyingkong ha ka U-16 Girls ha kaba ka Mawsynram Cluster (Girls) ka la jop kput haduh 51 ron.

Hadien ba jop ia ka jingkynting pisa (toss) ka Pongtung Cluster(Girls) ka la aiti sha ka Mawsynram Cluster (Girls) ba kin tied nyingkong, bad kane ka sha ka phew ron, naba ka la khyllum lut baroh 10 wicket tang na bynta 9 ron naki 7 ober.

Ka Eliza Lyngdoh ka la long kaba kongsan tam ha ka tied da kaba kamai 55 ron naki 39 bol. Ka Saramanbha Khongsit ka la khur 3/20 naki 4 ober.

Hynrei ka long kaba sngewsh ia ka Pongtung Cluster (Girls) namar kam shym la iohlad ban kynjoh wat tang

# Pyrshah ka Concacaf ia ka jingthmu pyniar haduh 64-kynnun ha ka World Cup 2030

**Iaiang 15:** U President jong ka Concacaf u Victor Montagiani u la kynthoh ia ka jingthmu ban pyniar ia ka World Cup jong ki shynrang ha u snem 2030 ban kynthup haduh 64 tylli ki kynnun.

Ki jingthmu, kiba la wanrah bad tyrwa da ka kynnun synshar jong ka South America, ka Conmebol, ki la ioh ruh ia ka jingpyrshah na u president ka Uefa, u Aleksander Ceferin bad na ka Asian Football Confederation (AFC).

na bynta ka tournament shimet bad ia ka jinglong jingman jong ka phutbol baroh kawei, na ki kynnun ialehka ri sha ka jingiakop jong ki klob, league, bad players," la ong u Montagiani.

"Ngim pat sdang wat ia ka World Cup kaba thymmai kaba don 48 tylli ki kynnun, kumta ha lade, Ngam tharai ba ka jingpynneh sha ki 64 tylli ki kynnun kam dei satia ban don wat ha ka miej jingiakren."